

近代史資料

1

1955

近代史資料

一九五五年 第一期

中國科學院歷史研究所第三所編輯
科學出版社出版

目 錄

潛齋見聞隨筆.....梁 康 夫（一）

吳江庚辛紀事.....知 非（二一）

二七工仇.....
湖北工團聯合會 聯合辦事處（五一）
京漢鐵路總工會

海陸豐農民的八年戰鬥.....鍾 貽 謀（二七九）

本刊創刊號資料訂正.....（二一五）

圖 片

二七罷工四幀

海陸豐農民運動二十幀

潛齋見聞隨筆

梁廉夫

編者按：太平天国起義以前的廣西，廣大人民在封建主義的壓迫下，已經不堪其苦，相率起義；太平軍離開廣西北上以後，廣西人民繼續和反動的封建統治者鬥爭。本文所記是貴縣一地從一八四八年（道光二十八年）到一八六七年（同治六年）約十八年人民的鬥爭情況。正可由此看出太平天国起義的原因和太平天国革命時期階級鬥爭的一般形勢；也可以補充一些解決太平天国革命時期幾個具體問題的資料（如張嘉祥、陳開的活動，土客鬥爭，礦工的鬥爭和僮族人民的鬥爭，起義首領和團練頭目的階級成份等等）本文作者係當時直接鎮壓農民起義的地主，所記雖尙可靠，但立場極爲反動，文中措詞和持論對農民肆意污蔑，如稱起義人民爲「羣盜」，稱被人民誅戮的劣紳土豪爲「義烈」，極爲荒謬。本文原稿由桂林梁任蓀先生保存，爲毛邊紙抄本，高二五厘米，寬十三厘米，正文四十二葉，序一葉，每葉十六行，每行二十四字。原稿經作者幾次修改，凡已塗去的字句尙可供參考者均用小字印出。文中敘述有重複者（如已酉招安大略與盜賊始末重複），有僅是宣傳封建主義毫無史料價值者（如節烈、災異等），有作者本人的議論（如禁賭、以息盜議等），均刪去。文中累贅的詞句，也略有刪節。文中「僮」字均改爲「僮」。

序

甲子「一八六四年」之夏予由廉州歸里，大憲委辦團局，惡類漸次撲滅，幸獲粗安。但經亂

之後，室廬焚毀，荊棘滿城，景象荒涼，不勝感慨。暇時爰將見聞所及，併地方一切情形，零星錄出。非敢問之當世，亦欲後之生斯土者，藉以知本地之事云爾。

邑人梁廉夫子材氏謹識

盜賊始末

貴邑乃古鬱林郡，東界桂平，西界橫州，北界武宣，來賓、賓州，南界興業、玉林並廣東之合浦縣。地廣山多，峯巒重疊，奸宄易藏。前明以五山、三里、覃塘爲大藤峽右臂，於水北里、三江口特設同知一員，築城屯兵防守，而猶有韋金寧、黃日登等土寇劫殺不休。我朝平定遐方，群兇授首，五山設守備一員；嗣又移郡城督捕通判於廣東交界之木梓墟，以嚴緊查拏。故地方安靖，四民樂業，享昇平者二百餘年，不聞有盜賊也。盜賊之起，始於廣東游匪。自道光二十三年「一八三二年、一八三三年」，該匪由船直上，或借寓於城中舖戶，或潛住於廣衆墟場，往往糾結土來小醜劫掠，當是時署令王濟，開掘縣北灩頭、六班諸山銀礦，招集來人，五方雜至，良歹不分。其掘而得利者來去無常，缺本者日則開設賭場，夜則潛出爲賊。燒香拜會，種種不法，設有賢邑令，早日驅逐，猶可以息賊風也。乃王令卸署，楊令曾惠復任，隨來京賑之客，三五成群，祇知催糧填債，盜賊置若罔聞，往往有解賊來城，賊已放而解賊之人尙押候查糧者。由是賊無忌憚，南岸烏柏村土賊梁長安、梁鸞書父子，竟敢聚匪成百，滋擾鄉村，又捉山肚村廩生黃應傳勒錢取贖，而大盜張嘉祥即從此而起矣。嘉祥本廣東高要人，初至縣城，在水源街全昌鹹貨

舖內僱工，後緣耽於賭博，辭出，遂與其黨往石罅墟擄榮利牛皮舖之幼子勒贖。榮利赴縣訴，僅循例出票，不飭差壯嚴拏，獲其同黨一人，餘不追究。嘉祥因得漏網，隨往劉公墟開賣洋烟館，交結橫洲惡匪蘇三、謝江殿、麥二及縣境平村監生章樹紀等。樹紀富而通賊，潛助糧食，坐分其利。狡賊章三等。是時楊令既縱容賊匪，又久於其任，所有縣儲倉穀，搬賣一空。此實由治入亂之一大轉機也。道光二十口年，聞令寶桂接任，離城二三里之蘿蔔灣被來人賊首鍾亞春、楊撈家等乘夜攻入阜誠當舖掠而去。次年又有廣東遊匪楊亞丙、楊亞辛、關亞易等，在桂平石嘴河搶劫越南貢使船舶，竄入縣之山東石龍墟、金仙寺盤踞，欲圖四出滋擾。墟民潛報縣，幸聞令督勇剿洗，不至地方大害。及聞令病故，顧令諧庚接任，時龍門協船經過江口被劫，因而撤任。後趙令彭年署任，不久，亦即卸事。此五六年間，已盜賊橫行，無怪有張嘉祥之亂也。

廿八年〔一八四八年〕嘉祥率匪數百，攻劫木梓墟大源、浩源二舖，括取財物，旋攻平依鮑宅，不破，斃賊數名；越日即轉回橫洲之博合墟，豎旗招匪，四往打單開角，賊勢愈覺鴟張。廿九年〔一八四九年〕嘉祥竄至縣西覃塘墟打單勒索，又由覃塘竄至賓州交界之甘塘地方。聞官兵四集，賊胆已寒，是時郡守顧元凱，副將李殿元帶率兵勇屯筍縣城，人皆謂嘉祥亡在旦夕。未幾，窮寇反噬，一戰不利，兵勇退回，竟令土匪梁長安及城守百長等潛往招撫也。迨招撫之議既成，此事一傳，而巨匪楊睿清即起於大墟，黎特弟起於五山，湯西利起於黃練，鍾亞春、楊撈家起於橋墟，鄭廷輝、譚特養起於三里，徐亞雲、徐亞二起於瓦塘，雷樹春、黃亞左、黃亞右、黃亞石、蘇十九等起於木梓、木格，

盜賊之風，遂日盛而不能復制矣。

初盜賊未亂以前，民多畏法，其時搶劫之案甚少，即間有一二，所獲皆係真賊，百姓不敢窩留；又有分防各官，嚴緊查拏，偶聞盜踪，不過令三五差壯便可擒獲，所以不至滋蔓。自道光中年，木梓督捕分府已不赴任，祇令家人坐墟收規，五山守備亦常駐郡城，所有巡檢並守汛之官，均在縣城開賭；而愚民無識，處處效尤，每於各處墟市開設花會賭廠，衙役既從中包庇，來人又因之重利剝民，民窮財盡，盜賊日多，遂至釀成張嘉祥之害焉。及嘉祥聽招撫，因與本城大井頭慣匪王亞壯、王興福、王升高等欲挾制富戶舖商斂錢守街，暗串巨匪盧亞相統率賊船二十餘直上灣泊縣前，派單與林羅、翁李、朱五家富戶勒銀，又糾大墟、嶺尾賊首楊睿清以舞獅還愿爲名，帶率匪類七八十，手執砲械，直入縣衙參拜福德土神。斯時邑令蕭瑄在任，官威不振，賊勢日張，橋塘、木格、君子垌各巨寇，每在瓦塘、湛江地方豎旗招賊，出境攻劫城池；而水匪大頭羊、大鯉魚、捲嘴狗、麥二、許十二等或來城聚賭，或勒銀包船，火砲之聲，日夜不絕，盜賊猖獗至此而已極矣。

三十年「一八五〇年」土來械鬥敗後，礦徒惡類，半隨會匪而去，餘賊四散滋擾。幸邑令張汝瀛蒞任，下車伊始，即委四品封職前任桂林府訓導舉人林逢春、候選教諭羅慶章、副榜梁廉夫、職員朱聯傑、李榮芳、翁際泰爲團總，在墟心街開設公局，勸各富戶捐銀三萬餘兩，刻日成團。章程甫定，而瓦塘巨匪徐亞雲、九江三等即招集賊黨，奪取船隻，將順流來城。城守林奇桂聞報驚惶，親到瓦塘求和，而九江三等賊膽愈張，謂縣城雖鐵閘亦入。張令一面與紳士密議，一面飛諭令山脚各村團紳挑選

練勇四千名來城守禦。是時適有商船三號，備有砲械，灣泊縣前，即令其攔江堵截。約初更時，頭隊賊船到鯉魚港口，練丁喊殺震天，疊燃大砲，打斃數賊，並斃其執旗賊目一名，賊遂棄船登南岸而散。斯舉也，積弱已久，事起倉猝，又無一兵一糧，竟能轉禍爲福，由是人有戰心，軍聲大振，各處團練皆思擒賊矣。張令見人心踴躍，密令各處團紳嚴拏賊首，隨獲劫城大盜鍾亞春、徐亞雲、劉亞生等，又計擒潛住縣城之匪首文亞英，並殺通賊書差陳枝、湯德、盧振。賊無耳目，潛匿不出；勒銀守街之賊，旋亦避退；人心大快，以爲從此賊皆釜底游魂矣。孰意楊撈家乃將死之賊，委員聞某入窟招安，遂令賊復蠢動。

咸豐元年〔一八五一年〕來人巨匪劉成康、黃亞左、黃亞右、徐亞二、麥二，女賊首邱二娘等，詭稱北岸農民被僮驅逐，遣人赴省混訴，隨即於五月初五日〔六月四日〕統匪萬餘，攻入覃塘墟盤踞，肆行焚劫，發掘塚墓。張令立即調團，連日親往攻剿，未獲勝仗。都司蕭帶兵向前，亦即敗回。六月賊衆攻至山脚之第五村，殺斃男婦數十，而練勇自村旁衝出截殺，賊亦死三十餘名。七月該賊大隊移竄江口村。張令見賊已逼近，調南岸團練守城，親督郭東、郭北練勇分兩路奮力攻剿，打斃賊首劉成康，餘匪大敗而退。黃亞左、黃亞右、黃亞石退歸君子垌；麥二則散歸橫州灘頭，被該處村團全股殺斃；邱二娘帶匪竄至石龍，適龍山團練猝至，砲轟落馬而斃。張令方議設法擒賊，並剿白沙所屯會匪〔按白沙所屯即太平軍〕，不料即調署蒼梧。

咸豐二年〔一八五二年〕施令兆魁接任，賊經大創之後，亦幸粗安。至五月，水匪壬文丙統匪船二

百餘到潯郡灣泊，官紳聞報，立刻大集團練，設立水陸砲臺，並用鐵鎖攔江，人心踴躍，勢將滅此朝食。十二日〔六月二十九日〕匪衆揚帆直上，練勇疊燃大砲轟斷其船桅，賊船少却，適東風大起，奸細放火燒廠，山脚練丁，乘機搶掠，官民紛紛驚走，賊遂入踞縣城，括取財物，焚毀舖戶三十餘間。二十日〔七月七日〕匪船盡退，上下水源街東客僱工人多隨之而去；至梧州乃全股俱滅。

咸豐三年〔一八五三年〕李令嘉年接任，性情傲慢，官紳不和，另委副榜李棣榜、職員朱聯傑、

廩生林良仿、生員鄧秉賢、陳熙等爲團總，在本舖街開設公局。四年〔一八五四年〕七月本城慣匪周亞糠等勾引僮匪百餘，初一日〔七月二十五日〕黎明，突入縣城，焚毀勇目何亞社屋舍，喊殺震天。李令率勇尾追，爲賊所辱。次日李令招集橋墟練勇數百，勢將剿賊。賊衿何錫、衿帶其同街者老入衙求情，竟以燒砲掛彩了事，各匪益無顧忌。越十餘日，即串東匪馮二潛來縣城街墟尾，住賊首李富七家，又暗通縣衙壯勇並九江船匪關二等，誘令平人拜會。聲言入會之後，出路不憂搶劫，愚民多受其惑，舉國若狂，始猶聚集荒郊，後竟結盟城市。當是時馮二與逆賊黃全義、王興福、逆衿黃姦現、湯聘三等在城外棉花街德陸店密議。苟當事者暗選練勇襲殺，不難撲滅，乃疑而畏事，不敢先發制人，遂爲賊匪所制。八月初一日〔九月二十二日〕賊向妓館打單。初二日〔二十三日〕搶掠縣前河旁鹽船。初三日〔二十四日〕惡匪李同弟殺衙役大羊三，投尸江中。初五日〔二十六日〕卯刻山脚守街練丁無故自退，東津賊首何三、石龍賊首梁超、覃塘賊首黃鼎鳳、石罅賊首黃千總、狗山脚賊首亞獅三、亞道六、陳白等，各率匪類，紛紛來城，砲聲不絕，賊旗所到，街閭俱開，竟無一人敢拒者。是日馮

二乘馬入衙，逼官取印，賊黨沿街捉人，遍貼偽示；旗寫「川大丁首」，暗藏「順天道」四字，悖逆已極。初六日「二十七日」入宅搜索，滿城閉戶，氣象愁慘，日色無光，人人自危。初七日「二十八日」賊遷其大館於永隆當，搬取縣衙刑具擺列，遍尋富戶拷索金銀派單開角。日則惡賊尋仇，夜則結黨成群，劈門搶掠，街衢之外，時聞哭聲。初八日「二十九日」添設賊館，黃祖喜六號洪傑堂，李富七號洪志堂，五山巡檢劉裕琨號洪天堂，共六七處，各聚惡黨，人家牲畜，括食一空。十六日「十七日」逆衿黃慶蕃議立公局，請官招黃全義、王興福等二十餘名賊首爲勇目，看守地方。賊亦僞從官諭，一面糾集惡類往攻府城，敗後即在縣城大建齋醮，超度亡魂，並在各街開設賭場，紅帶紅辦填塞街巷，已成一盜賊世界矣。

咸豐六年「一八五六年」團總林逢春、六品職員林廷宣倡議復城捐貲剿賊，乞橫州羅牧代爲請兵。五月總戎色克精阿帶兵到縣，駐劄西山村，李令隨亦由三里壩來會。先是賊被縣城候選教諭羅慶章等疊次調團攻剿，又風聞官軍雲集，已各離心。初三「六月五日」廩生陳壻令鄭某潛與賊目黃亞訓六定議解散，允其招撫。初六日「八日」總戎與李令遂帶兵勇入城。次日提訊五山巡檢正法，隨即挑撥兵勇往剿離城十餘里之東山村，屢攻不下，竟以罰捐軍需了事，撤兵而去。九月十二日「十月十日」土寇黃全義勾引水逆陳開、梁培友等，統匪數萬，一路焚殺而上，官民聞風驚走，城市爲之一空，賊遂盤踞縣城，封授僞爵僞官，四往劫殺村墟，毀壞神像，處處設立糧臺，盜賊風行，腥羶滿地，自吳逆平後二百餘年以來，未有如此之暗無天日者也。

咸豐十一年「一八六一年」方伯蔣益澧克復府城，統兵直上，陳開、黃全義授首，土逆黃鼎鳳亦僞聽招撫，所有僞國公大口扒、周倉糠、副爺發、梧州賊首羅華官、橫州賊首馬老人、亞得大、縣城賊首黃祖喜、王興福、黃六一、黃亞烏二、黃亞訓六，君子垌賊首黃亞娘、葉亞狗、葉石長、黃三潤等，各率其黨歸覃塘，悉聽黃鼎鳳指導。鼎鳳既撫有其衆，賊勢愈盛，官軍甫退，既統率匪黨直往府城。彼時適值前撫軍劉長佑統兵到郡，守而兼戰，賊敗竄回，兵勇乘勢追上，駐劄大墟。鼎鳳見戰已失利，旋令其黨林單眼四守大墟、龍岩、蒙富、康世平等守登龍橋，餘賊則屯聚覃塘及平天岐山賊寨。連日打仗，互有死傷，官軍不敢輕進。

同治二年「一八六三年」撫軍陞任兩廣總督，方伯劉坤一總統大軍到縣，委候選訓導馮會、周作新、羅銘勳、生員林冠芳、龔寅開設公局。馮會遭賊害之後，又添委即選直隸州州判梁廉夫入局辦事。是時官軍初至，未獲大勝，屢攻登龍橋不下，賊遂分股往橋墟、木梓、木格及橫州之博合地方，肆行焚劫。方伯劉親統兵勇過河督剿，鼎鳳大敗竄回，官軍乘勢收復登龍橋，焚毀覃塘老巢，攻其岐山、平天賊寨，誘擒鼎鳳等誅之。鼎鳳原係響馬大盜，隨張嘉祥充當壯勇，至湖北不守營規，潛與其黨黃有祿回縣西之覃塘墟盤踞。其同時賊首，三里則有譚特養，石龍則有梁亞游三，各霸管數十村，勒收錢米。後二賊俱爲鼎鳳併吞，而三里、石龍悉歸其管轄。該賊遂夜郎自大，出境攻劫，殺官戕吏。自恃其有馬數百，砲械糧食充足，自稱爲建章王，令其僞軍師鄒竹岐造「堯天五典」，土寇悖逆至極此極，不亡不已也。

鼎鳳亡後，其黨黃三奴、徐亞撈、黃亞流、黃祖喜、莫中沿、張平二等妄冀死灰復燃。同治四年（一八六五年）八月胆敢潛通永瀆孫逆領銀招賊，欲斷我大軍後路。日突帶匪黨千餘，攻破新歸

村，將乘勢來城。邑令薩畢圖到任未久，事起倉猝，即與局紳梁廉夫等速議招勇，調集各鄉團練，並請郡守覃遠璣帶兵來縣合剿。該匪出於不意，遂各潰散。十一月撫軍張凱嵩帶兵往剿孫逆，經過縣城，札委前任徽州府知府候選道林廷選，即選直隸州州判梁廉夫、廩生李恩祥等辦理團防局務。六年（一八六七年）三月黃三奴、覃特豪、黃祖喜、黃亞渣四等又在黃練墟陡聚匪黨二千餘，豎旗招賊，密議廿二夜，乘城中迎神嘈雜，伏黨內應。薩令聞報，立刻與總局商酌禁止迎神，親督練勇嚴緊守禦，連夜飛稟請兵，併令拔補千總梁修己集團挑勇馳赴黃練攻剿，收復謝村。越日練勇奮力向前，打敗各匪，攻入黃練墟，殺賊無算，並擒匪首黃三奴、覃特豪、黃亞渣等正法，全股撲滅。計貴邑自道光十二三年間，已有無賴匪徒，漸爲不法，而究地方大亂，則始於張嘉祥，甚於艇逆土逆，黃鼎鳳、黃三奴、覃特豪等共一十八年而盜賊平。

義烈

楊步賢庠生，西山村人，公正嫉邪。咸豐初，見賊勢猖獗，率其鄉人築堡掘壕，激以忠義固守。縣城陷後，人多往依之。丙辰十二月初一（一八五六年十二月二十七日）逆賊陳開、黃鼎鳳等統匪數萬，由縣來村，四面環攻，相持四日，夜而村陷。步賢被執，罵不絕口，賊怒殺之，投尸江中。

陸紹鄒庠生，汾水村人，凡事敢作，與賊爲仇，往往帶練出路截殺賊隊，搶其器械貨物。大逆黃鼎鳳屢爲其敗，最憚之。咸豐六年「一八五六年」鼎鳳勾引橫州賊首李七，率匪萬餘到村，合攻不下，復勾水逆梁培友等統帶水賊助攻，八晝夜而村破，慘遭屠戮。

蒙郁崑監生，第八村人，性剛介，屢帶團練來城守禦。城陷後，與縣城團總候選教諭羅慶章、六品軍功雷上聲密議復城，集團攻剿者不下十餘次。咸豐四年「一八五四年」橫州大盜李七，令惡賊數十潛入村中，大隊賊匪萬餘猝至，郁崑親督練丁殺退。六年十月逆首陳開、黃鼎鳳等統匪數萬攻破棉村墟，肆行殺戮，閭閻聞風驚走。郁崑避至社塘村，被鼎鳳捉歸覃塘，多端撻辱，遂遇害。

何繼德武舉，東豪村人，好義急公，常帶練丁來城聽調。咸豐十一年「一八六一年」五月大盜黃全義統匪黨數千到村攻劫，繼德與其弟武生繼昌身先打仗，村陷，均陣亡。

譚丹書增生，山邊村人，秉正嫉邪，常與南江大盜黃全義村不睦。咸豐六年十月全義糾引水逆陳開、梁培友等統匪數萬到山邊、山肚村晝夜環攻。丹書督練拒守，斃賊無算，力竭村破，男婦慘遭殺害者六千三百有奇。

李秀林六品軍功，嶺底村人，屢帶團來城聽調，忠勇過人，逆首黃二等率匪千餘到村攻劫，秀林登屋燃砲，連斃數賊，村破被害。

雷上聲六品軍功，太平村人，常帶練剿賊，屢立戰功。咸豐六年十月逆首陳開、黃鼎鳳等統匪數萬攻劫山脚一帶村墟。上聲督練力拒，村破，賊衿周振基率其姪惡匪道彰、道猷捉之，慘被剖腹剖肝。

而斃。

馮會庠生，縣城人，性放達，不拘小節。咸豐四年土匪黃二、黃興福等陷城，遂挈家避居雷嶺村，屢次督團剿賊。十一年「一八六一年」蔣升憲益禮統兵到縣，委辦城局團務，旋即赴省鄉試。適賊破雷嶺村，會閭家斃命。同治元年「一八六二年」前撫憲及升憲劉均委辦理局務，會矢志滅賊。計逆首黃鼎鳳勢焰日大，惟招撫王興福可散其黨羽。二年九月十八日「一八六三年十月三十日」親往龍山橋子村訂約，行至中途，爲賊殺害。三年蒙升憲劉奏請優恤。

周紅較九品軍功，東華村人，性勇敢，精武藝，屢次帶練來城聽調。咸豐元年擒桂平嶺尾村賊首楊容清解縣正法，隨往趁大墟，爲賊黨捉去，慘遭寸磔而斃。

黃光椿庠生，東壘村人。咸豐七年「一八五七年」正月被水逆梁培友、土匪甘見孫等統匪萬餘劫村，光椿督練拒賊，村陷被捉，其子守先年甫十六歲，捨身救父同時被害。

鄭植璧庠生，鄭村人，因屢次擒賊，爲賊所恨。咸豐年 月，在中途被賊捉去，慘遭殺害。

李都廩生，西朗村人，保舉以教諭選用。因疊次擒賊，賊深忌之。咸豐六年爲賊所害。

梁鳳翹庠生，烏柏村人，屢次擒賊，而爲賊所恨，咸豐年 月慘遭殺害。

韋聯芳山東里武生，軍功加千總銜，陣亡。

韋開邦東豪人，監生，村破陣亡。

羣盜

王星福縣城大井頭人，素無賴。兄亞壯、星高與大盜張嘉祥爲刎頸交。道光廿九年，嘉祥聚黨甘塘，星高往入夥，爲八掛村團練所殺。迨嘉祥聽招撫，亞壯潛勾賊首盧亞相帶率匪船到縣城灣泊打單開角，又故代爲調停，藉此挾制守街，派簽各富戶錢銀。三十年縣令張汝瀛蒞任，亞壯懼，逃往北流。星福習見兩兄故智，在木舖街開德陞八音館，廣交匪類。咸豐四年與逆匪馮二、黃存義、賊衿湯聘三等密議聚黨陷城，自以勢力不及，推黃存義爲首。存義殺後，率其黨歸覃塘逆賊黃鼎鳳，任爲心腹，令守龍山。同治三年四月劉藩憲攻破平天寨與其黨蒙富同日誅之。

黃存義混名龍門二，邑之南江人，撐船爲業，聲如破鑼。道光廿七八年，常與其黨黃祖志、李亞安等潛出爲盜。咸豐四年八月初五日存義與惡黨王星福、逆衿湯聘三等聚匪陷城，逼官取印，派單開角，拷索金銀，隨又統匪黨攻擊郡城，各賊自王星福以下，俱聽其指揮。六年色總戎會同李令收復縣城，存義遂勾引水匪數萬直上，一路焚殺山邊、山肚二村，斃至六七千之多。所有山脚、西山、石罅三圖二圖俱歸其管轄。水逆陳開封之爲僞威國公。十一年蔣藩憲總統大軍到縣，存義聽招撫，以打仗不力執而誅之。

石達開邑之北山里祁石村來人，其家世業農。道光廿九三十年間，會匪馮雲山誘其入夥，遂棄家從賊。咸豐元年縣令張飭令龍山武舉覃安邦發其祖墓，碎骨揚灰。年其弟鎮吉帶匪竄回祈石，查

取家口，達開妻已嫁，得其十歲子而去。九年達開已自稱僞翼王，統率賊匪數萬到縣，分黨往土狗、長寧，被團練殺退。同治二年竄至四川爲官軍擊敗，全股俱滅。

黃鼎鳳乳名特旁三，郭西青雲僮村人。幼時從羊乍村宋家牧牛，及長不耐勞苦，爲響馬盜，被人控告，逃往依招撫巨寇張嘉祥，充當壯勇。至湖北，不守營規，與其黨黃有祿逃回縣之黃練壩。當是時地方不靖，三里賊首譚特養、朱十二屢率匪徒劫掠覃塘。鼎鳳故放大言，謂有其在特養等當不敢侵犯。其黨譚富又向壩中紳耆不時道及，紳耆受其所愚，咸豐二年遂招回覃塘壩開設壯丁館。特養兩次帶匪入境，鼎鳳俱身先團練打退，人由是信之，凡事皆聽其指揮。鼎鳳見事權歸己，思吞併地方，每串惡匪，劫其界外鄉村，又陰使人往言歸覃塘管轄，保無事，試之果然，從者日衆，所管多至七十餘村。五年水逆陳開、梁培友等統匪數萬由潯城直上貴縣劫掠，封鼎鳳爲僞將軍。鼎鳳素受分水村挫折，心畏其強，因邀梁培友等帶匪助攻，八晝夜而村破，殺戮無遺。自是以後，無所顧忌，遂攻劫賓州，戕害官吏，計殺譚特養，盡有三里地，逐梁亞油三兼併蒙公、石龍、陳開封之爲僞隆國公，受之而不聽調遣，賊匪莫不切齒。十年，鼎鳳帶匪往劫思恩，竄回，其黨周十二久有二心，恐爲所殺，密約陳開、黃存義、梁亞油三、朱十二等分五路攻擊覃塘，竟爲其所敗。十一年，蔣藩憲收復潯城，統軍直上，鼎鳳僞聽招撫，所有巨寇羅華官、大口扒、韋二、蒙富、王星福、黃祖志等帶率惡黨盡歸覃塘，推鼎鳳爲總哥，統匪往攻府城。同治元年七月，被撫憲劉打敗，竄回登龍橋屯筍，令其黨龔瘦六、姚十來、林單眼四等分守險要，親率匪衆劫掠博合、大梓地方，搬運穀食。二年，撫憲升任兩廣

總督，藩憲劉統帶水陸大軍駐縣，屢次進剿，未獲大勝。鼎鳳自計黨羽衆多，有馬數百，砲械糧食充足，以爲人莫敵己，遂夜郎自大，稱爲建章王。五月賊衆大隊過江劫掠橋墟、石碓堡等處，肆行焚殺，被官軍打散。藩憲劉督兵追剿，收復縣城，登龍橋，併焚毀覃塘老巢，開挖長壕，因其平天大寨。三年四月鼎鳳勢已窮蹙，誘擒誅之。百姓分其肢體殢頃刻而盡云。

徐亞雲邑之瓦塘來人，素無賴，以屠牛爲業。道光廿七八年在瓦塘嘯聚匪類，截搶船隻，河道爲之不通。後鄭撫憲重懸賞格，爲其黨蔡輔秀所擒，解郡正法。子亞撈亦大有父風。

邱二娘邑之橋墟來人，年三十許，常入市擺賣糖果。夫邱二吸食鴉片，凡事聽二娘之所爲。二娘習見賊人伎倆，遂豎旗聚衆，出境劫掠。每打仗，頭繫洋巾，騎馬督陣，惡賊甘受鞭撻，竟忘其爲婦人。咸豐元年二娘率匪黨千餘至覃塘，與大盜黃亞左、黃亞右等合夥屯筍。敗後竄往石龍，被團練砲轟落馬而斃。

張嘉祥廣東高要縣人，初至貴縣在水源街全昌鹹貨舖僱工，旋辭出往石罅，捉牛皮店榮利之子勒贖。榮利赴縣告，縣令楊曾惠僅循例出票不嚴拘，因得漏網。道光廿五六年，嘉祥寓劉公墟開賣洋烟館，常從大嶺、平村、博合、大灘往來，交結謝江殿、蘇三等土賊，以打劫爲生。廿九年官兵進剿，嘉祥屯筍甘塘聽盛總戎招撫，隨與城東外慣賊王亞壯串通，挾制富戶，派出錢銀，令其惡黨守街，並強取團練大砲一位。三十年縣令張汝瀛蒞任，議成大團，嘉祥船經過，紳士逼其繳回原砲，遂往南寧不返。

林單眼四武樂平塘村人，焚劫地方，爲逆首黃鼎鳳之死黨。同治元年 月，升憲劉統兵來縣，